

Broj: 06-02-36-32/2018-10  
Sarajevo, 10.12.2018. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke imenovane Rješenjem, broj: 06-02-36-R-9/2018 od 22.10.2018. godine, sekretar Vlade Federacije Bosne i Hercegovine, d o n o s i

**O D L U K U**  
**O IZBORU NAJPOVOLJNIJEG PONUĐAČA ZA JAVNU NABAVKU ROBA –**  
**SERVERSKE I MREŽNE OPREME ZA POTREBE GENERALNOG SEKRETARIJATA**  
**VLADE FEDERACIJE BOSNE I HERCEGOVINE**  
**(LOT 2 – MREŽNA OPREMA)**

**I.**

U cilju odabira najpovoljnijeg ponuđača, u provedenom otvorenom postupku javne nabavke roba – mrežne opreme za potrebe Generalnog sekretarijata Vlade Federacije Bosne i Hercegovine (LOT 2), evidencijski broj nabavke: 06-02-36-32/2018-1, broj Obavještenja o nabavci sa portala javnih nabavki: 854-1-1-51-3-15/18 od 23.10.2018. godine, kao najbolje ocijenjena prihvatljiva ponuda je ponuda **ponuđača LANACO d.o.o. Banja Luka, sa ukupnom cijenom ponude bez PDV-a u iznosu 44.431,00 KM.**

**II.**

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene Tenderskom dokumentacijom.

**III.**

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

**IV.**

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

## O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 06-02-36-32/2018 od 19.10.2018. godine. Javna nabavka provedena je putem otvorenog postupka. Predmet nabavke podijeljen je na dva LOT-a čija je ukupna procijenjena vrijednost nabavke iznosila 100.000,00 KM bez PDV - a . Ukupna procijenjena vrijednost nabavke za LOT 2 iznosila je 44.500,00 KM bez PDV-a. Obavijest o nabavci poslana je na objavu 23.10.2018. godine, te je istog dana objavljena na portalu Javnih nabavki pod brojem: 854-1-1-51-3-15/18. Sažetak obavještenja o nabavci objavljen je u „Službenom glasniku BiH – Oglasnik javne nabavke“, broj: 75/18.

Tendersku dokumentaciju preuzelo je 28 (dvadesetosam) privrednih subjekata, a 2 (dva) ponuđača dostavila su ponude u predmetnom postupku nabavke za LOT 2. Sve ponude su blagovremeno pristigle. U skladu sa provedenim predmetnim postupkom javne nabavke, ponude za LOT 2 su dostavili sljedeći ponuđači: VERSO d.o.o. Sarajevo i LANACO d.o.o. Banja Luka.

Komisija za javne nabavke, imenovana Rješenjem, broj: 06-02-36-R-9/2018 od 22.10.2018. godine, izvršila je pregled i ocjenu ponuda, te konstatovala da je ponuda ponuđača LANACO d.o.o. Banja Luka prihvatljiva, a ponuda ponuđača QSS d.o.o. Sarajevo neprihvatljiva.

Ponuda ponuđača VERSO d.o.o. Sarajevo odbačena je iz sljedećeg razloga: u Tenderskoj dokumentaciji, broj: 06-02-36-32/2018-1 od 23.10.2018. godine, Poglavlje III Uvjeti za kvalifikaciju, tačka 1.2. podtačka c. Ekonomska i finansijska sposobnost (član 47. stav (1) tačke a) i c) Zakona, kao dokaz za solventnost ponuđača, između ostalog, se zahtijevala: „Potvrda poslovne banke o solventnosti ponuđača, odnosno da u proteklih 12 (dvanaest mjeseci), uključujući i datum objavljivanja Obavještenja o nabavci (23.10.2018. godine), transakcijski račun ponuđača nije bio blokiran.“ Ponuđač VERSO d.o.o. Sarajevo dostavio je Potvrdu, broj: 06-2-BH-498/18 od 18.10.2018. godine izdatu od UniCredit Bank d.d. kojom se potvrđuje da ponuđač ima otvoren transakcijski račun kod Banke koji nije bio blokiran u posljednjih 12 mjeseci. Iz priloženog dokaza ne može se utvrditi da transakcijski račun Ponuđača nije bio blokiran dana 23.10.2018. godine, kada je objavljeno Obavještenje o nabavci. Potvrda ne uključuje datum objavljivanja obavještenja o nabavci.

U skladu sa tačkom V. Odluke o pokretanju postupka javne nabavke, broj: 06-02-36-32/2018 od 19.10.2018. godine, Ugovorni organ je za predmetni postupak nabavke predvidio provođenje e-Aukcije. Međutim, s obzirom da je samo jedna ponuda prihvatljiva, e-Aukcija se nije mogla zakazati.

Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-02-36-32/2018-8 od 07.12.2018. godine i preporuku o izboru najpovoljnijeg ponuđača LANACO d.o.o. Banja Luka, sa registriranim sjedištem u Banja Luci, ID: 4400853190007, za predmetnu nabavku – LOT 2.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“, broj: 39/14), podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

### POUKA O PRAVNOM LIJEKU:

Protiv ove odluke, ponuđači koji su učestvovali u postupku nabavke mogu izjaviti žalbu Uredu za razmatranje žalbi Bosne i Hercegovine putem Ugovornog organa – Generalni sekretarijat Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 10 (pet) dana od dana prijema ove odluke.



SEKRETAR VLADE

mr. sc. Edita Kalajdžić

Dostaviti:

1. Svim ponuđačima u postupku
2. Komisiji za javne nabavke
3. Sektor za pravne i opće poslove
4. Sektor za materijalno-finansijske poslove